

ԻՆՉ Է ՃՇՄԱՐՏՈՒԹԻՒՆԸ.

Յիսուս ճշմարտութիւնը մարդկանց ցոյց տալու և հասկացնելու համար աշխարհ եկաւ.

Քարոզեց ճշմարտութիւն:

Մարդկանց աւանջին քաղցր հնչեց ճշմարտութեան անունը և նրանք հրապուրուեցին ու քրիստոնեայ դարձան: Յաճախ կրկնում են Յիսուսի և ճշմարտութեան անունը:

Իայց ո՛ւր է ճշմարտութիւնը և ի՞նչ:

— Մարդիկ Յիսուսի հետ խաչել էին «ճշմարտութիւնը»: Նա, «ճշմարտութիւնը», Յիսուսի հետ գերեզման իջաւ. Յիսուսի հետ յարութիւն առաւ, Յիսուսի հետ քառասուն օր միայն մնաց երկրի վերայ մարդկանց փոքրիկ շրջանում և այդ մարդկանց աչքի առաջ, Յիսուսի հետ, համարձուեց: Այնուհետև:

Ճշմարտութիւնը Յիսուսի աւանատես փոքրիկ շրջանում անդամ վիճելի դարձաւ:

Մարդկանց շրթունքները «ճշմարտութիւն» բառը հնչում են որպէս ծնծղայ, և երբ տեսնում են մէկին ճշմարտութեան անունով խօսելիս՝ Պիղատոսի պէս հեղնանքով ասում են. «Ի՞նչ է ճշմարտութիւնը»:

Յ. Ա. Եպ.

2 Ապրիլի 1917 թ.

